

Wien, Österreichische Nationalbibliothek (ÖNB), Cod. 1476

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

397

HERMENEUTICI.

398

Ad compendium Codicem utrinque adhibita est Membrana duabus columnis exhibens Fragmenta cuiusdam Commentarii Rabbinici in *Psalmos*, ut videtur, charactere vetusto hebr. hispano absque punctis exarata.

CCXLIII.

R. 2002 Codex membraneus lat. Sec. XIV. Folior. 168. f. per duas columnas exaratus rubricis enotatus, et quondam, ut pluribus locis, maxime vero sub Indicis calcem, legitur, *Carthusiensium orti sancte marie in praga sub monte petrino. donatus per Meynhardum de Nouadomo. Indigni domini et plebani in Telcz*, quem ne Gubernatorem Bohemiae a. 1449. e viuis sublatum pronunciem, *tò plebani retinet*, est notus, et jam Vol. I. a me relatus *Mammotredius*, five Expositio Vocum difficiliorum, quae cum in Bibliis, tum in ecclesiastico per annum Officio occurunt, rudioribus Clericis dicata ab Job. Marchesino, quem Editio Colon. per Job. Koelhof 1479. 4. in Murachismum deformat, O. M. Primus eam prelo subjicit Petr. Schöffer Moguntiae 1470. in aliumque reedit orationem, ut ipse in Praef. ad calcem adjecta narrat, et Collatio cum praesenti Codice instituta confirmat. Interim Codici nihil deest, quin ubi sub finem rerum Index accessit. Prologi initium est: *Im-*

*patiens proprie imperitie ac ruditati compaciens pauperum clericorum &c. Si quid in futurum ejusmodi Operis necessitatem adduxerit, id non tam paupertas, quam Linguae latinae neglectio fuerit. Sub Prologi finem ait Autor, Expositionem suam morem Paedagogi gerere, qui gressus dirigit Parvulum, atque inde *Mammotredium* adpellari posse; quod, quomodo cohaereat, non dispicio.*

CCXLIV.

Codex membraneus lat. Sec. R. 3243 XIV. Folior. 160. 8. per duas columnas non una manu, minute sed nitide descriptus, rubricis enotatus, et olim Bibliothecae Civicae Vindobon. sequentia continet: I. ut ad oram inferam fol. 1. legitur: *Notabilia super omnes libros byblie*, id est Expositio Vocabum minus obviarum, qualem ampliorem dedit Job. Marchesinus O. M. in suo *Mammotredio*, ut non semel utroque Vol. indicavi. Praesentem porro ex illo carpitam fuisse, alia manus ad Titulum mox relatum adnotavit. Initium est: *Prologus est caput compositionis uel sequentis operis prefacio. et dicta prefacio quasi prolocutio &c. Pertinent haec ad Hieronymi in Pentateuchum Prologos; nam et hi delibantur. Extrema Apocalypses sunt: iuste fornicator supplicijs afficitur. Explicit liber iste. deo gratias.*

Sit bonus oro status vester, finisque beatus.

II.